

ଅଧିକ

মৈনাক

কামাকীপ্রসাদ চট্টোপাধ্যায়



কবিতা-ভবন

২০২, রাসবিহারী এভিনিউ

কলিকাতা

১৩৪৭

প্রকাশক : গ্রন্থকার
৩, শঙ্কুনাথ পণ্ডিত ষ্ট্রীট
মুদ্রাকর : শ্রীকানাইলাল গুপ্ত
রংমশাল প্রেস, লি:
৬১, ধর্মতলা ষ্ট্রীট
কলিকাতা

প্রথম সংস্করণ

এপ্রিল, ১৯৪০

বৈশাখ, ১৩৪৭

দাম এক টাকা

এই গ্রন্থকারের পূর্বপ্রকাশিত গ্রন্থ :
শবরী (কবিতা)
শ্মশানে বসন্ত (ছোটো-গল্প)

**We are closed in, and the key is turned ·
On our uncertainty ;**

W. B. Yeats.

তোমাকে

ভীড়াক্রান্ত আকাশের চিরশ্রেত লোকে
শতাব্দীর শব্দহীন তরী
এলো আর গেল ।
কতবার নীল চোখে মৃত্যু হানা দিল
কতবার ! প্রথম প্রণয় শেষ
নিবিড় অরণ্য শুধু বৎসরের বাসন্তী আবেশ ।

ধরিজীর শববাহী দেহে
সারারাত্রি ভেজা ঘাসে আমাদের পদক্ষেপ নেই ।

বাঁধানো হাড়ের দেহ, শুঁপীকৃত স্নায়ুশিরা ঘেরা
শূন্যহীন দিন
শীতের সারথি কঙ্কাল—
সব-জানা মম
সবকিছু জানা ।

আমাদের কয়িফু রেখারা
নিশ্চিত ধ্বংসের মুখে, শতাব্দীর পদক্ষেপে ;
তবু আজ হুঃসাহস
তবু আজ চেয়েছি তোমাকে ।

কথা কও তুমি

স্মৃতির দুয়ারে শঙ্কিত করাঘাত
বন্ধার মাঝে ছোটো ছোটো দ্বীপ যেন,
কথা কও তুমি, কথা কও তুমি, প্রিয়,
আলোতে-ছায়াতে দুরন্ত সন্ধ্যায় ।

গৈরিক মাটি অস্ত্রাচলের তীরে
স্বর্ণ-শিখায় বিপুল সম্ভাবনা
মরজগতের বিবর্ণ কুশ ছবি
স্মৃতির দুয়ারে নাহি করে আনাগোনা ।

ছোট-ছোট ডাক শঙ্কিত ভীকৃতায়
চঞ্চল হল হরিণশিশুর মত,
কথা কও তুমি, কথা কও তুমি, প্রিয়,
সময়ের ঢেউ কর তুমি রঞ্জিত

টুকরো হাসিতে, হাল্কা মুখরতায় ।
টুকরো গানেতে স্তব্ধ নীরবতায়
ছিঁড়ে ফেলো তুমি, ছিঁড়ে ফেলো তুমি,
প্রিয় । ছিঁড়ে ফেলো যত শঙ্কিত ভীকৃতায় ।
কথার শিখায় অভিসারে এসো ক্রান্ত ।

মৈনাক

বস্তার মাঝে ছোট-ছোট বীপগুলি
অঙ্কিত কর পুষ্পিত সজ্জায় ;
ককন আজি ধনিয়া উঠুক গানে
নীল অঞ্চল ফেনায়িত আছবানে
কৃষ্ণনে গানে ছিঁড়ে ফেলো যত
শঙ্কিত ভীকৃতায়,
বেজে ওঠো আজ হালকা মুখরতায়।

অবসর

আমরা ছিঁড়েছি দুর্গম দিন । . মন্থরতা
দিয়াছে অনেক প্রলাপ কাহিনী । স্বতির ছায়ে
এসেছে দানব ঈশান কোণের ধূম্ব রথে :
রাখীবন্ধনী ছিঁড়ে গেছে । আজ, সময় হল ?

এখানে যুদ্ধ । বন্ধা মাটির প্রাসাদ গড়ি
বুদ্ধির ধারে শীর্ণ শরীর শানানো শুধু
মৃত্যু দুতেরা নিশ্চুপ মনে মন্ত্র পড়ে—
দিবা অবসান সেতুবন্ধনে, সন্ধা এলো ।

ধারকরা তাপে দেহ সঁকে নাও শয্যাশায়ী
শরসন্ধানী মন মেলে মিছে মিলাতে চাও
দূরে ঝাউবনে ঝোড়ো রাত কাঁদে ক্লান্ত মনে
বহুবছরের অভিশাপে ভরা স্বপ্ন শুধু ।

রুমচুড়ার উদ্ধত ডালে আকাশ আলো
তোমার আমার মধ্যে বিরাট স্বতির সেতু
মাঘের সূর্য তীর্থযাত্রী । বিশাল ছায়া ।
প্রলাপী মনের পাঁচিলে রুদ্ধ । মিথ্যে খোঁজা

পাশা

মোহমুক্তির দুঃস্বপ্ন তর্কজালে
শান্তির ছায়া কোন্ দূরে পলাতক,
বহু নিমেষের জরতী জারকারকে
জীবনের পাশা মেলেছে জুয়ার ছক ।

বণিক মনের ক্লাস্তির অবকাশে
নীল পাহাড়ের নির্জন হাতছানি ;
সেখানে বিছানো পাইন-কুঞ্জবনে
বাঁকানো আকাশে শান্তির রাজধানী ।

যে জীবন গাঁথা বহু মৃত্যুর ভিত্তে
বিশ্বাস্তি পাবে ঈশ্বর অহিকেনে ?
অস্থির নীচে অস্থির নীচতায়
অগ্রগতিকে পারবে তো, নিতে চিনে ?

নীল আঁচলের স্নেহ কটিবন্ধনী
বাঁকানো ঠোঁটের কঠিন কুমুম মায়ী
নীল নয়নের নিভৃত আকাশ-কোণে
বলাকার ডানা মেলেছে কোমল ছায়া ।

কোথা ফাস্তানি ! ফাস্তান এলো এ যে !
জীবন শকুনী মেলেছে জুয়ার ছক :
মোহমুক্তির দুঃস্বপ্ন তর্কজালে
শান্তির ছায়া কোন্ দূরে পলাতক ।

ছটি কবিতা

(শ্রীযুক্ত বুদ্ধদেব বহু-কে)

(১)

মোড়

আমাকে ঘোরাও কেনো ? এ অশনি গর্বে—

সময়ের স্ফীত নদী কম্পিত সরল ।

অনলস কাল বোনে উর্গা-স্বৃতি অরূপণ মোহে

আমাকে ঘোরাও কেনো, বেপথু হতাশ ।

জাহ্নু ছিঁড়ে জাহ্নুবীর পুনর্জন্ম দূরপরাহত

কতবার ভুল হল, জীর্ণ প্রেম—শশকবিষাগ ।

আত্মগর্বে অতিস্ফীত চিরদিন অদিতির মত

জীবনের নীলা-স্বপ্ন লুপ্ত হল ক্রান্তির গহ্বরে ।

সূর্যরশ্মি ঘেরা যত ক্ষীণকটি নারীবাহিনীর

সরল মসৃণ মিথ্যা, অজ্ঞেয় তবুও ।

ভীত গর্ব, কামনার ঘন অবসাদে

করণ পল্লব নীচে আজিকেও জাগাবে বিভ্রম ।

স্বচ্ছ মেদে সরলতা, অভিনব অভিনেতা যেন

উত্তেজিত জয়গর্বে, সময়ের শাসনে উদ্ধত ।

শৈবালে পিচ্ছিল শত উপলের পাহাড়ের মত

প্রতিদিন ক্রান্তিহীন পৃথিবীর আত্মপরিক্রমা ।

আমাকে ঘোরাও কেনো শশকবিষাগে

অনলস অঙ্গগতি হতাশার গহ্বরের টানে

আমাকে ঘোরাও কেনো জয়হীন জীবনের পথে—

নীলাস্বপ্ন মিলাবার সময় এখনি ।

(২)

ব্যবসয়ে

আমাদের ঘিরে যদি সন্ধ্যা নামে, সন্ধ্যা যদি নামে
•অন্ধকারে বন্ধ্যা নারী যদি শোনে তারাদের গান
কতি নেই কোনো ।

পৃথিবীর কোনো কতি কোনোদিন বোঝা যায়নি তো ।
সোনার তরীরা আজ নিরুদ্দেশে হয়েছে উধাও ।
সায়াকের আলো নিয়ে নদীগুলি তীক্ষ্ণ তরবারি :
দুপাশে কাশের বন (এখন শরৎ ?)

জীবনের প্রান্তসীমা উচ্ছিন্ন উল্লাসে
শেষ হল ।
দূরদৃষ্টি হুরাদৃষ্টি ।
আমাদের তৃতীয় নয়নে সন্ধ্যা ।

আমাদের ঘিরে তবু সন্ধ্যা নামে
পৃথিবীর বন্ধ্যা নারী মেহে তার নেই তো বিপ্লব
জিজ্ঞাসার চিহ্ন এঁকে রাত্রি আসে, রাত্রি বাড়ে ।
ঘুঘু নেই । ধূধু রাত্রি । বিড়ালীর কান্না শোনো ।
পৃথিবীর বিশাল প্রাসাদে, শূন্য ঘরে :
বাতুড়ের ঝোড়ো ডানা
ইকুরের জটলা মজার ।
শূন্য ঘরে চাম্চিকে ঘোরে

মৈনাক

হে দেবতা ! অনুরণ্যে নিখোঁজ আমরা, আমরা নিখোঁজ
হে দেবতা ! নিদাঘের আগে যে আদায়
আকাশের অর্ধচন্দ্র দিয়াছে বিদায়
পৃথিবীর ব্যবসায় ।

চিত্র ও চরিত্র

পক্ষভীত মৈনাকের বারুণী আশ্রয়
মীনারণ্যে রাজধানী অত্যন্ত সুন্দর !
আয়ুস্মতী বসুমতী, কামনার স্বর্ণভিষ কোথায় জানকী ?
প্রসন্ন তুবারবায়ু, অরণ্যে কঙ্কাল,
ভবানী আমার গৃহে চিরকাল ভাঁড়ে ঢাকা রয় ।

উপত্যকা তুবারে মসৃণ
হরিণের বর্ণাধারে ছরস্তু উল্লাস ।

চাকরীর বাজার মন্দা, ব্যবসায়ের আর
দলে দলে ভীড় করে মেদক্ষীত চোর-বাটপাড় ।
মন্দিরে মানং করি, পাণ্ডারা তেতাল্লা তোলে ।
আমার সৌভাগ্য বাঁধা সারমেয়ু-অশ্ব-পদতলে ।

বিকেল :

দীর্ঘজীবী প্রোঢ়-বৃদ্ধ আনাচে-কানাচে
কখনো বা কাসে আর হাঁচে ।
দিনের ভাটার শেষে রাত্রির জোয়ার
প্রকাণ্ড প্রহরগুলি গভীর আলস্তে
হাই তোলে
আর ঢোলে ।

ঠাই নাই ঠাই নাই ছোটো এ তরী...

আকাশ-গঙ্গায়
আধপাড়া জীর্ণ দিন দেখি অসহায় ।
এখানে পাণ্ডুর চাঁদ মুখে তার বসন্তের ছাপ
চাঁদ তার স্মৃতি জ্বলে গেছে...

হাতেখড়ি

রঙীন্ রেশম-রাত্রি কবরী সৌরভে একদিন কেঁপেছিল ।

হে নিষঙ্গী ! পঞ্চবাণে কত ধার ছিল ?

বল ।

শরতের স্ফটিক পাথরে

সূর্য্যরক্ত পান করেছিলে ? সোনার প্রদোষে ?

দেয়ালি পোকারা নিস্কৃতি

উপযম নিশাশেষে । করুণ, সবুজ ।

আজ্ঞো তো এ খেয়ালী পৃথিবী

অনর্থক পাক খেয়ে ঘোরে । একদিন যে জীবন

অকস্মাৎ এনেছিল স্পন্দিত বিশ্বয় ছোটো জীবকোষে

পৃথিবীর প্রতি পাকে তারা তো ফেঁপেছে ।

একদিন তোমার বননে করেছিলে হরিণ শিকার

গম্ভীর গহ্বর পাশে অগ্নিকুণ্ড ঘিরে

গেয়েছিলে গান : ছন্দহীন উন্মুক্ত উল্লাস ।

আজ তারা তোমার স্মরণে

কোথায় রয়েছে ?

সন্ধ্যার চিত্রপ সভায়

কফি-পাত্র ঘিরে

রাত্রি শুধু বাড়ে ।

মৈনাক

এসো বাতায়নে ।
চুপিচুপি দেখো অন্ধকার ।
কত তাঁরা হিম হয়ে গেছে, তাদের পাবে না
তবু দেখো
সৌরলোকে কত নীল দাঁড়ি ।

দেয়ালের দেয়ালি পোকারা
উত্তরের বাতাসেতে পাবে না উত্তর ।
হে আকাশ, শব্দবহ ! কেনো ক্লাস্তি আসে ?

সময় কাটে না
(ত্রীযুক্ত সময় সেন-কে)

সময় কাটে না ।
খরশক ক্ষিপ্রদিন

সুতক শূন্য রাত্রি অঙ্ককার ।

এখানে নেমেছে আজ শরতের সোনার বিকাল
শীতের শিশির-দেশে যাত্রী-দিন মেলিয়াছে পাল
তীর শাদা মেঘে ।

সূর্য্য, তুমি খাসা তীরন্দাজ
প্রশান্ত সঙ্কায় দেখি জীবনের পেয়েছি আন্দাজ ।

মহিষের মন্থরতা : দেউলিয়া রাত্রি ঘন হয়
সুতক তীক্ষ্ণ তুষারের হবে কি' প্রলয় ?
পথিক পৃথিবী শুধু ক্লাস্ত রোমস্থনে
নিতান্ত অলস, তবু শেষ দিন গোনো ।

আকাশের আদালতে ফেরারী তারার
কোনো খোঁজ নেই আজ আর ।
সোনার বিকাল গেল, বিশাল বিকাল গেল
রাত্রি হল স্কুর সুতক
নিঃশ শূন্যতার ।

মৈনাক

তুবারের হবে কি প্রণয় ?
দুঃসহ মিলন দিয়ে আমাদের প্রণয় তো নয় !
বাসনা-বিহ্বল ক্রান্তি-নিরঙ্কর সূর্য জানে না তো
আমাদের মতো ।
কামনা-পিচ্ছিল দিন, বিবস্ত্র প্রহর,
শাস্ত চোখ, নীল বস্ত্রা, ধূসর সুর ।
কোমল পল্লব আর জনতা বিশাল
ভারার মশাল আর স্তব্ধ মহাকাল ।
কত দেবী, কত দূর, যাবে আজ চেনা ?
সময় কাটে না ।

সঙ্ক্যা

বর্ষা সঙ্ক্যা। বিকালের বিষণ্ণ ছায়া
রক্তশূন্য প্রদোষের কঙ্কাল মিছিলে
নক্ষত্রের তিথি ভুলে অতিথির মত !
রক্ত খেমে গেছে। রিক্ত রক্ত। পদ-ঋতু কবে ?
বিধবার উত্তরীয় দেয়ালের আলো
কখন মিলালো।
আকাশে নক্ষত্র নাই : স্নান, বঙ্ক্যা।
শ্মশানের ছাই হয়ে আজ এলো
বর্ষা সঙ্ক্যা।

হিম হাওয়া। জীবন্ত নিঃশ্বাসে হিম। তবু হাওয়া,
হাওয়া দিল। হিমাত্রীর সৌরভে মসৃণ
নয়, এই হাওয়া নয়।
জীবনের পরাজয় ভয়—আজ এলো ভয়।
পালকের ডানা মেলে বলাকারা কোথায় মিলালো ?
চারিদিকে মেঘ শুধু। হাওয়া দিল। শ্মশানের আলো।

তবু আজ অন্ধকারে যদি ডুবে যাই। যদি যাই !
নিবিড় রাত্রির দীঘি অন্ধকার শৈবালে মসৃণ :
যাই, যদি যাই !
কঙ্কালের মিছিলের কোনো স্তুতি আমাকে ছোবে না
বিধবার উত্তরীয় সেখানে কি যাবে আজ চেনা ?

মৈনাক

মেঘ ছিঁড়ে বলাকা কি আকাশের নীল-নীল হৃদে
ধাবে চলে ?

মিলনের রাত্রিশেষে শান্ত প্রতিপদে
নিয়ে চলো ।

নিয়ে চলো নক্ষত্রের আলো-ছায়া হৃদে
অন্ধকার পথ চিরে ।

মহাশূন্য রক্তশূন্য ।, পদ্ম-ঝতু । আকাশের জনহীন সভা

আজ বক্ষ্যা :

নক্ষত্রের তিথি ভুলে, শশানের ছাই হয়ে, এলো আজ
বর্ষা-সঙ্ক্যা ।

স্তরু রাতে

কবে

চৈত্র-তপ্ত দীপ্ত নারী এক

তুবারের বর্ষ ছিঁড়ে দৃপ্ত দৃঢ়তায়

দেখা দেবে

কবে

আমাদের ক্রমশ বিচ্ছেদে

সূর্যাস্তের আবরণ : এখানে সূর্যাস্ত নেই ।

ঝুঁকে-পড়া নিৰ্বিবাদী চাঁদ

পাহাড়ের কুয়াশা ইন্দিতে

নিৰ্জনে

বিদায় নেয় ।

হে স্বপ্ন-সারথি !

তোমার উচ্ছিষ্ট অন্ন অন্ধকার জনহীন ক্ষণে

ধ্বিধাঘিত মনে

ছায়া ফেলে ।

প্রতিদিন

তোমার তুহার ওষ্ঠ স্তরু স্কঠিন ।

তবু আজ

চকিত সূর্যাস্তে দেখি নিদারুণ অলস্ত আকাশ ।

কেকা ডাকে পৃথিবী মুখর

মেঘরাজ্যে কৃষ্ণদূত ছিন্নভিন্ন বহুচক্রাঘাতে

অনাগত পদধ্বনি

শুনি

স্তরু রাতে ।

ধানকাটা মাঠ

আমার এ ছোট ঘরে অল্পট ছায়া
কোলাহল করে। রাতে শুনি কুকুরের ডাক।
ফিস্‌ফিসে দেয়ালের কানে
ক্লাস্তির প্রলাপ।

দিন শেষ হয়ে গেছে।
আমার জীবনে
আর একটি দিন আর বেশী নেই :
রেখারা গভীর হল।
সেই কথা ছায়া কি চুপিচুপি বলে
দেয়ালের কানে
ক্লাস্তির প্রলাপে ?

প্রতি রোমকুপে
সময় দিয়েছে তার হাত
হিম-ছুরিময়, এই ফিস্‌ফিসে রাত।

হেমস্তের নিভস্ত বিকেলে
ধানকাটা মাঠ
চকিত হঠাৎ
চোখে পড়েছিল।
কর্কশ খড়ের ঝুঁটি রুগ্ন মাঠে শুধু ফুটেছিল।
আমার এক একটি দিন আর সব রাত
হেমস্তের বিকেলের ধানকাটা মাঠ।

মৈনাক

আমার এ-দিনগুলি রক্ত পিবে নিয়ে
দেবতাকে করেছে সুন্দর :
ছায়াময় এই রাত হিম হাত দিয়ে
আমাকে করেছে প্রসন্ন ।
অম্পট ছায়া সর্ব তন্ত্রার ভিতরে
দুঃস্বপ্ন আনে
সেই কথা শুনিয়াছি ক্লাস্তির প্রলাপে
মেঘালের কানে ।

রাত্রির এ অন্ধকারে মানুষের খাচ্ছ হতে,
দলে-দলে গরু-ভেড়া চলে,
কালকের ডিনার টেবিলে
তন্ত্রায় মন্ত্রর সেই অম্পট খুরেব শব্দ
কখনো কি আর মনে পড়ে ?

প্রতি পলে রক্ত দিয়ে এ সৃষ্টিকে করেছে আমরা
বহু ঐশ্বর্যময়,
আমার এ-গান হোক বিধাতার খেলায় হিসাবে
বিদ্রোহ দুর্জয় ।

দুঃসহ যৌবনগুলি দুঃস্বপ্নের ভারে মরে যায়
মানুষের ছিন্ন কটিখানি, তাও হয় দেবতাই পায় !
আমরা চলেছি দলে-দলে সময়ের এ স্রড়ক-পথে
সৃষ্টিকে বাঁচাতে শুধু, দেবতার খাচ্ছ শুধু হতে !

মৈনাক

হেমন্তের বিকেলের শুরু কুমাসায়
নিভস্ত দিনের শেষে রুগ্ন অসহায়
এক একটি ধানকাটা মাঠ ।
আমাদের ফসলেতে বণিকেরা ফুলে ফেঁপে ওঠে
আমাদের বুকে শুধু পিপাসিত খড় ফুটে ওঠে ।

সেই কথা শুনিয়াছি আজ রাতে
ছায়াদের গানে,
সেই কথা জাগিয়াছে ফিসফিসে
মেয়ালের কানে ।

নতুন বছর

নবমীর চাঁদে স্বর্ণ প্রদীপ জ্বলে
বিখ্যাত জ্বলে রাত্রি এখানে এলো :
স্বপ্নের আল ছড়াবে আমার মনে
স্বপ্নের আল, তন্দ্রায় এলোমেলো ।

যরা দিন নিয়ে ব্যস্তা করি না আমি
আমাকে তা সাজে না :
নির্জন হৃদে কোন্ কথা বলেছিলে
আজ মনে পড়ে না ।

রাত্রির জ্বলে তবু তো করে না কমা
স্বপ্নের আল নির্মম হাতে টানে
মাঝ-রাতে দেখি ভাঙা স্বপ্ন জুড়ে যায়
ভুলে-যাওয়া গান এই রাত মনে আনে ।

বৎসর শেষ ! জেটিতে জেটিতে সাইরেন শোনা যায়
স্পন্দনহীন স্তর আকাশ
পাগুর কুয়াসায় ।
অনেক দিনেরা চেখে গেল আমাদের
অনেক দিনের বাসি :
ব্যর্থ করণ তারায় তারায়
কয় পাণ্ডু হাসি ।

মৈনাক

এর চেয়ে চলো স্পাইনে কি চায়নায়
কথা জড় কর, ভালো বক্তৃতা দাও :
(সমিতির আগে আড়চোখে আয়নায়
প্রসাধনখানি নেপথ্যে সেরে নাও) ।

চায়ের আসরে স্বয়ম্বরার সভা
কার-পেজেন্টে হাজার দাতার ভীড় ।
নতুন বছর :

সাইরেন থেমে গেছে—
এখানে রাত্রি মন্থর, সূনিবিড় ।

স্বর্ণ-প্রদীপ নিভে গেল দেখি
উষর উষার দেহ :
নির্জন নভে জীর্ণ এ সমারোহ ।

বিখ্যাত জেলে কেনো আসো বারবার ?
পিকনিকে চল
ডায়মণ্ড-হারবার ।

ক্যাশিয়ার

মধ্যাহ্ন-দুঃস্বপ্ন শেষ হল
সারস্বত ব্রত আজ লক্ষীর পূজারী
দেখো দূরে মায়াবী আকাশে
এ সন্ধ্যার অঙ্ককার-ঝারি ।

ঘোবন কটাক-বাণে দ্বিধাগ্রস্ত তুমি কি হয়েছে ?
আজ্ঞে কি দুঃস্বপ্ন আচম্বিতে দিয়ে যায় হানা ?
শ্লথ-বেগী বসন্তের কুমারী দিনেরা
কুসুম শয়নে শুয়ে তোমাকে কি করে নি চলনা ?

জীর্ণ বাস-এ গৃহমুখী । কতক্ষণ, আর কতক্ষণ ?
অনাগত বসন্তের আজ আর নেই কোনো মানে ।
ছেঁড়া-হাতা জামা পরে কুবের-ভূণ্ডারী
রেডিয়ার গান শোনো পানের দৌকানে ।

প্রহরী প্রহরগুলি এখন তো নেই ;
ঘর্ম-ক্লান্ত দেহ শান্ত এক কাপ চা-এ
কানাভাঙা ফাটা পেয়ালার ।
বাইরে দুঃস্বপ্ন সন্ধ্যা উন্নত অধীর
তবুও তো শান্তি আছে ছিন্ন তাকিয়ায় ।

বসন্তের আগে

শিরদাঁড়া খাড়া করে ঝাড়া ন-ঘণ্টায়
ষিপ্রহুর শেষ হল পুরাণো চেয়ারে
অগনন সঙ্গী নিয়ে ধূর্ত ছারপোকায়
ক্রমাগত বেড়ে যায় চক্রবৃদ্ধি হারে ।
দৈনিকে অহিংস-নীতি—পেতে বসা ভালো ;
টিকিনের অবকাশে পেয়ালা প্রাচীন
মধু ভরা দেহ তার, রঙ্ সে ঘোরালো ।
ছুটি বিড়ি বরান্দেই কেটে গেল দিন ।
ছেঁড়া ছাতা কাঁধে ফেলে ঘরমুখো চলো
পশ্চিমে আকাশ দেখো : পৃথু, রক্তহীন ।

শীতকাল ছোট দিন, বড় বড় রাত :
ভোরবেলা (তখনো হয়নি তারা ফিকে)
কানে এলো কোকিলের ডাকটা হঠাৎ :
হুর্গা-হুর্গা ! আজকেই নিতে হবে টিকে ।

দিবারাত্রি

ফাস্তনের মধ্যরাত্রে অন্ধ ক্লক বাতাসের উর্দ্ধ্বাস বেগ
বহুদূর সমুদ্রের বাসন্তী-বিহ্বল ধ্বনি নিয়ে এলো দেখি
নারিকেল পত্রঘন নগরের রিক্ত পাত্রে ।

ঘুমকে তাড়ালো ।

মুহূর্ত-বিশ্বাস্তি নিয়ে, সময়ের স্বাদভরা দেহে

মনে হল :

কি যে মনে হল

এই রাতে । আজ এই রাতে

আকাশের খেয়াঘাটে শূন্য অন্ধকারে

রূপার জলস্ত নৌকা খেয়ালের বোঝা নিয়ে হল নিরুদ্দেশ ।

সমুদ্র-কাকলীভরা বসন্তের এই মধ্যরাত

টলমল, ঝলমল, অন্ধকার, ক্লক বিহ্বলতার ।

আবার চৈত্রে দিন গ্রামাস্তের বেহুকুঞ্জে ঘোরাফেরা করে

মহাজনী পাঠানের মত । কুঞ্চিত পিঙ্গল পত্র ছত্রভঙ্গ বারবার

দক্ষিণ বাতাসে । আবার এ পৃথিবী মুখর

কামাঙ্ক বৃষভ গর্জনে ।

চৈত্রে চিতায়

অরাগ্রস্ত এ-বছর দেখি ডুবে যায় ।

চাঁদ

বৃদ্ধ পিতামহদের শুভ্র ঋতু তুমি তো দেখেছো বারবার
কৈশোরের উদ্দাম স্বপ্নেরা

তোমার দক্ষিণদ্বারে

এসেছিল কোনো একবার ?

নিদ্রাহীন কত রাত্রি'কুম্ভকুম্ কুমারী দলে উপহার দিলে

তোমার অনন্ত যৌবন

কাকে খুসি করে

কবে চেয়ে নিলে ?

রবিশস্তে মাঠ ভরে গেল : কত মাঠ !

শিমুল-শাল্মলী বন

দিয়ে পত্র-কুম্ভ অঞ্জলী

হল কাঠ । শুধু আজ কাঠ !

সেদিনের কৈশোর-অঞ্জণ বয়সের হাত মুছে দিল

আজ নেই, একদিন

যে উল্লাস

দেহে-মনে ছিল ।

প্রৌঢ় চক্ষু মেলে এই, তজ্রামর নীল রাতে, কারে বেন চিনিবারে চাই

যে কুমারীরা সেই দিন

গেয়েছিল যৌবনের

উদ্ভত সঙ্গীত

নাই তারা নাই ।

মৈনাক

পৃথিবী পায়ের নীচে

পৃথিবী তো কাঁপে !

উদ্দাম এ রাত :

আকাশের নিবিড় গভীরে

দীপ্ত দৃপ্ত মুখে

তবু তুমি,

তবু তুমি চাঁদ !

কত শিশু রাজা হল, কত রাজা গেল নির্বাসনে

জীবনের ব্যাকুলতা পেল তার চরম উত্তর

মৃত্যুর দর্পণে ।

কত ট্রয় ছিন্নভিন্ন : জরাদেহ ভারত-ইজিপ্ট-ব্যাবিলন

নির্বাক নিলিপ্ত তুমি

তোমার অনেক নীচে

মৃত্যু-জরা করে আলিঙ্গন ।

শেষহীন স্বর্ণবালু মরুভূমি ক্ষুধায় শ্মশান,

তোমার কম্পিত আলো সেখানেও ভরে যায় :

অকুপণ দান !

কত মৃত্যু পৃথিবীর হাড়ের পাহাড়ে নিয়ে এলো ঝড়,

বর্ষের দুর্ভিক্ষ এলো

বন্যা-মহামারী

বৎসরেরা বন্যা, অমুর্কর ।

গিরিচূড়া ভেঙে গেল

কত সর্বনাশ

লুপ্ত বনভূমি :

মৈনাক

আকাশের মধ্য বৃকে
প্রশান্ত ছায়ায় তবু
পরিচিত তুমি !

আবার বসন্ত এলো ।
ফাস্তনের নিভৃত রত্রিরা সমুজ্জ্বল তোমার শিখায়
বনের ধনুক থেকে
তীক্ষ্ণ তীরের মত
হরিণের দল
মিলে যায় দিগন্ত-সীমায় ।
অনেক উল্লাসে ভরা, অনেক বাশীর সুরে, কেঁপে কণে কণে
কৃতির পসরা ভরি
যেই রাত চলে গেল
আজ্ঞো যেন পড়ে তাহা মনে ।

তোমার ধারালো হাসি
তোমার নিঃশব্দ গান
নিশ্চিন্ত যৌবন
সেই রাতে ছিল :
সেদিনের কৈশোরের
উদ্দাম স্বপ্নের ছবি
বয়সের হাত মুছে দিল ।

আমাদের মৃত্যু আছে, আমরা হারায়ে যাবো, একদিন অতি অকস্মাৎ :
আকাশের নিবিড় গভীরে
দৃপ্ত দীপ্ত মুখে
তবু তুমি ! তবু তুমি চান ।

ঠিকুজি

পশ্চিমের সমাধিমন্দিরে খণ্ড পত্ন কতদিন
বিশ্বতির রচেছে পাঠাড়,
সোনার সূর্যেরা আর রূপার চাঁদেরা গেল
অতীতের খোলে নি তো ষার ।
সন্ধ্যার গভীর গুহা সর্বভুখ রাকসের অনন্ত কুখাতে
বিভীষিকাময়,
ষে-জীবনে উল্লাসের অনন্ত আছান ছিল
পেয়েছে তা স্তব্ধতার ভয় ।

তোমার এ দেহখানি সমাধিমন্দির
কত মৃত দিন-রাত-প্রহরের ভয়স্বপ্নে ভরা,
মুহূর্তের মৃত্যু দিয়ে যে-জীবন করেছি স্মরণ
এক দিন গ্রাসিবে তা, জরা ।
অরণ্যের দীর্ঘশ্বাসে উর্ধ্বর পৃথিবীময়
যৌবনের শ্রোত
উত্তেজিত হৃদয়-স্পন্দন,
সায়াক্ষের শালবনে স্তমধুর কান্তির মৌনতা
জ্যেষ্ঠার কুমারী বন্ধন ।

মৈনাক

নবীন দক্ষিণ-ঝড়ে ভারাক্রান্ত হৃদয়ের
সীমার স্তব্ধতা
ভাসাবার মন্ত্র কে শিখাবে ?
চেতনার রুদ্ধঘরে অতিথি মৃত্যুর ডাকে
বাঞ্ছিত শিকল ;
ছায়াঢাকা পথ খুঁজে পাবে ?
সত্যতার ওঠাপড়া, সমুদ্রের ওঠাপড়া, শালবনে
মধুর ইসারা
সোনার মুকুটে যারা গঁথেছিল পাখীর পালক
চলে গেল কোন্ পথে তারা ?

শেষ করে দাঁও তবে গান, শেষ করে দাঁও ।
অলস্ত যৌবন যদি দিগন্তের অলস্ত শিখায়
পায় তার চরম স্বাক্ষর :
তবে শেষ করে দাঁও ।
মহাকাল অটল জটায় যে ঠিকুজি করেছে রচনা
সহজ ভীষণ,
বেতুইন দিনশেষে উড়ে-আসা পাখীর পালকে
নাই প্রয়োজন ।

মৈনাক

আমাদের নীল শিরা, ন্নাযু-ঘেরা এ জীবন
অটার অটিলে

হারাৰে তো পথ ;
আকাশের গল্প নিয়ে
পৃথিবীতে কোনো দিন
আসিবে না

সেই ভগীরথ ।
মরণ-সমুদ্রকূলে জীবনের অন্তরবি কম্পমান
সোনালি সঙ্কায়,
হে সূর্য, সোনার সূর্য, হীরার আকাশ
আর রূপার ঠাদেৱা
বিদায় বিদায় ।

সহজ ভীষণ এই কৃষ্ণ আকাশে দেখি
আমাদের ঠিকুজি রচনা ।
আজিকার গানগুলি বৈশাখের কুক্ক ঝড়ে
কোনোদিন যাবে না তো চেনা !

ভয়

এখানেই ছুটি । ব্যবসায়ী দিনগুলি
অনেকু যোজন দূরে । ইম্পাতে ঘেরা
বাস্পীয় ঘান বাস্পের বৃষ্টি ।
ইথার্নে ভাসানো তারহীন তান তারাময় রাতগুলি
শোনে নি কখনো ।
শালের ঝটলা, বৈরাগী ধূলা, সাঁওতালি শিলাময়
মহুয়ার রাত, নিবিড় বিরাট, তারার মশালবাহী
এখানেই ছুটি ।

এখানেই তবে ছুটি ।
কাল সন্ধ্যায় আকাশ দেখেছি আমি
মহুর স্ননিবিড়,
পাহাড়ে-পাহাড়ে শিলাময় ঘৌবন
আকাশে আবির-ভীড় ।

বন্ধুর আমি বন্ধ্যা হয়নি
তবুও কোমল নয়,
এখানে বিশাল শালবন আর
রাত্রি মশাল বয় ।

ভয়

কাল সন্ধ্যায় তবুও পেয়েছি ভয়,
ইম্পাত-গলা আকাশ রাঙালো চোখ
আগুন ধরালো ধারালো তীক্ষ্ণ নখ
একরোখা রাত বোরুখাটা ছিঁড়ে ফেলে
জানালো সে-কথা নয় !

মৈনাক

আমি শুনেছি তো মন্থর রাত জেগে
সিকুর আহ্বান,
যুবতী পাহাড় টেউয়ে ধুলো হবে
প্রস্তর খান-খান ।

তারার মশালে রাতগুলি শুধু চূপ করে জেগে রয়
করে কানাকানি না-জানি আবার অশনি কাদের হয় !

কাল সন্ধ্যায় তাই তো পেয়েছি ভয়
ইম্পাত-গলা আকাশ রাঙালো চোখ
ইম্পাত ঝলসায় :

বৈরাগী ধূলা সাঁওতালি-শিলা মন্থর অটলায়
আগুন ধরালো খেয়ালি সূর্য্য গতকাল সন্ধ্যায় ।

এখানেও ছুটি নয়

তারার মশালে রাতগুলি শুধু চূপি চূপি জেগে রয় !

কাল সন্ধ্যায় তাই তো পেয়েছি ভয় ।

সময়

ভুলে যাও তুমি স্বপ্ন-স্বয়ম্বর
সারথি সন্ধ্যা ময়ূখ-মালায় আসে
ভুলে যাও তুমি নীল নীবীবন্ধনী
উষ্ণ দেহের স্নমধুর আশ্বাসে ।

কি হবে মাধবী-উপবন-ছায়া দিয়ে
মুরণের হ্রেষা চারিপাশে শোনো নি কি ?
কি হবে কোমল কটির স্বপ্ন দিয়ে
সঙ্ক্যা যেখানে বঙ্ক্যা ও একাকীনী !

রাত্রি ও দিনে জোয়ার-ভাটার টানে
চিরযৌবনা ফিনিক্স তো হবে না,
বেতস বনের জোনাকির দাঁড় টেনে
স্বদূরের পাড়ি কখনো তো জমবে না ।

মৃত্যু তোমার একদিনো কমবে কি
নীল নিশ্চল ঘূমের বাসর ঘরে
দিনের বেলার কায়াহীন কামনারা
যেখানে সচল অপরূপ রূপ ধরে ।

আমি শুনেছি যে ধ্বংসের বীজগুলি
সংখ্যাতীতকে দেবে উপসংহার
বাসনা ব্যাগ্র উন্মুখ দেহগুলি
পৃথিবীর বৃকে হবে স্নন্দর সার ।

মৈনাক

সোনার ফসল, তোমার ফসল নয় ;
কোনো মানে নেই স্বমধুর আশ্বাসে ।
আকাশের নীল নীবীবন্ধনী ছিঁড়ে
সারথি সময় ময়ূখ-মালায় আসে ।

অহল্যা

ঘুঙুরের বোলে মদালস দিনগুলি
মিলনোগ্রুথ কিশোরীর মত হল,
নিজেকে মেলিয়া লাজুক প্রতীক্ষায়
গুণিছে প্রহর গুণিছে লহমাগুলি ।

প্রস্তুত আমার এ দিন-রাত
শৈবাল ঘুমে মরিছে অহল্যা
কাহার পরশে কচালি দু-আঁধি তার
উঠিবে জাগিয়া, কোন্ সে সূপ্রভাত ?

গাছের আগায় আকাশ জড়ানো আছে
দক্ষিণা বায়ে ক্ষুধিত চৈত্র বেলা :
কঠিন পাথরে নাহি জাগে স্পন্দন
আকাশে-বাতাসে উদ্ধত অরহেলা ।

ব্যর্থ হবে কি আমার লহমাগুলি
ঘুঙুরের বোলে মদালস দিনগুলি ?

মৈনাক, সৈনিক হও

স্বার্থাশ্বেষী কুরচক্রী স্থবির মম্বরা
মম্বর বিষাক্ত ধ্বনি প্রতিদিন আনে
ক্ষীত বৃদ্ধ ক্লাস্ত জরা দেহে ।

অনড় অটল প্রজ্ঞা জীবনের কানে
শুধু এক ক্লাস্ত কথা কয় ।

দীর্ঘ-দীর্ঘ দিনরাত প্রেত পদক্ষেপে
বিষন্ন নিরন্ন প্রহরে
আসে আর যায় ।

আজ্ঞো কি অরণ্য হায় শুধু স্বপ্ন দেখে ?
তারাদের দীপপুঞ্জ জাগ্রত রাত্রিতে ?
শিশিরের গানে আর ঝিঁঝিঁদের গানে ?
মিশরের কানে

মম্বর বিষাক্ত ধ্বনি প্রতিদিন আনে
ক্ষীত বৃদ্ধ জরদগব দিন :
আয়ুহীন, বলহীন, মেদহীন, হীন ।

হে বৈরাগী, ভাবো একবার
গর্ভ অন্ধকার
এ ভীষণ নিশ্চিত জরার ।

মৈনাক

যেদিন সে ফাস্তনের আরক্ত প্রহরে
জ্বলন্ত জীবন যেন মৌমাছির পাখা
মর্শরিত, উচ্চকিত, যৌবন-চঞ্চল ।
মর্শরিত উর্শ্ব-বাণীময়
গেয়েছিল জীবনের জয় ।
আজ তারা মিশরের মমীর মতন
বিস্মৃতির নিষ্পন্দ শিশিরে
কেন জেগে রয় ?

হে জরদগব দিন
উড়ে যেতে পারো একবার
বাহুড়ের মত ডানা নেড়ে নেড়ে
ঝিরঝিরে
সেই সব আরক্ত প্রহরে ?

মৈনাক, সৈনিক হও
ওঠো কথা কও ।
দূর কর মস্থর মস্থরা
মেদময় স্ফীত বৃদ্ধ জরা ।

মৈনাক

রক্তে আগে পুরাণে সূর্যের ইতিহাস
সে কি পরিহাস ?
এ সুদীর্ঘ দিনরাত্রি প্রেতপদক্ষেপে
স্মৃতিকে করেছে পিরামিড,
আর সব উন্মিয় আরক্ত প্রহর
মিশরের মমি হায়
শিশিরে ধূসর ।

মৈনাক, সৈনিক হও ।

